

USTAVNI SUD
BOSNE I HERCEGOVINE



CONSTITUTIONAL COURT
OF BOSNIA AND HERZEGOVINA

УСТАВНИ СУД
БОСНЕ И ХЕРЦЕГОВИНЕ

COUR CONSTITUTIONNELLE
DE BOSNIE-HERZEGOVINE

Broj: Broj K-I-31/2/14
Sarajevo, 03.04.2014

KANTON SARAJEVO
MINISTARSTVO UNUTRAŠNJIH POSLOVA
Ministar, gospodin Nermin Pečanac

La Benevolencije 16
71000 Sarajevo, BiH

Poštovani gospodine Pečanac

Ministarstvu unutrašnjih poslova Kantona Sarajevo, vašim suradnicima i Vama osobno, u ime Ustavnog suda Bosne i Hercegovine i svoje ime, upućujem izraze iskrene zahvalnosti na nesebičnoj pomoći koju ste nam pružili u organizaciji obilježavanja 50 godišnjice ustavnog sudovanja u Bosni i Hercegovini, koje je Ustavni sud Bosne i Hercegovine sa uspjehom proveo u periodu 26. do 28. ožujka 2014. godine.

Svečanoj sjednici Ustavnog suda Bosne i Hercegovine koja je održana tim povodom bilo je nazočno preko 150 gostiju iz Bosne i Hercegovine i inozemstva, a učesnicima su se obratili i uputili čestitke u povodu ovoga jubileja član Predsjedništva Bosne i Hercegovine gospodin Željko Komšić, predsjedatelj Doma naroda Parlamentarne skupštine Bosne i Hercegovine dr. Dragan Čović, ministar pravde Bosne i Hercegovine gospodin Bariša Čolak, izaslanik glavnog tajnika Vijeća Europe gospodin Phillipe Boillet, izaslanik predsjedatelja Konferencije europskih ustavnih sudova i sudac Ustavnog suda Austrije dr. Johannes Schnizer, predsjedatelj i dopredsjedatelj Venecijanskog povjerenstva Vijeća Europe Gianni Buquicchio i Evgeni Tanchev, te predsjednik Ustavnog suda Republike Srpske Džerard Selman i sudac Ustavnoga suda Federacije BiH gospodin Sead Bahtijarević.

Međunarodna konferencija s iznimno značajnom temom „Ustavni sud - između negativnog zakonodavca i pozitivnog aktivizma“ okupila je kao sudionike predsjednike i suce iz ustavnih sudova Austrije, Armenije, Ustavnog suda Bosne i Hercegovine i ustavnih sudova entiteta Federacije Bosne i Hercegovine i Republike Srpske, Hrvatske, Češke, Makedonije, Crne Gore, Ruske Federacije, Srbije, Slovenije, Turske, Ujedinjenoga Kraljevstva, Konferencije europskih ustavnih sudova, predstavnike Venecijanskoga povjerenstva Vijeća Europe i Vijeća Europe.

Od strane svih učesnika Svečane sjednice i Međunarodne konferencije stigle su brojne pohvale i najviše ocjene za uspješnu organizaciju oba ova događaja. Sasvim je izvjesno da je takav uspjeh ostvaren zahvaljujući između ostalog i pomoći Ministarstva i vašoj osobno i ja Vam se radi toga još jednom zahvaljujem.

Srdačan pozdrav



Adresa: R. Dž. Čauševića 6/III, 71000 Sarajevo, Bosna i Hercegovina
tel: +387 33 251 226 fax: +387 33 561 134 www.ustavnisud.ba e-mail: sud@ccbh.ba